



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-296-13/23**
Datum: **07.12.2023.godina**

«Agencija za vodno područje rijeke Save» Sarajevo rješavajući po zahtjevu Investitora „EURO-ASFALT“ d.o.o., Sarajevo za izdavanje prethodne vodne saglasnosti za ispuštanje tehnoloških otpadnih voda sa lokacije mobilnog postrojenja za proizvodnju betona u naselju Novo Selo, općina Tešanj na osnovu člana 139. stav (1). tačka 3. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99, 61/22), **donosi**

R J E Š E N J E **o prethodnoj vodnoj saglasnosti**

1. Investitoru, „EURO-ASFALT“ d.o.o., Sarajevo daje se prethodna vodna saglasnost za ispuštanje tehnoloških otpadnih voda sa lokacije mobilnog postrojenja za proizvodnju betona, koja se planira graditi na zemljištu označenom kao k.č. broj: 447/1, 447/3, 447/6, 447/7, 448/3, 448/4, 448/5, 448/6, 449/2, 449/3, 449/5, 449/10, 452/1 i 1116/6 K.O. Novo Selo, općina Tešanj.
2. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uslovima:
 - 2.1. Izraditi investiciono tehničku dokumentaciju potrebnu za pribavljanje vodne saglasnosti za ispuštanje tehnoloških otpadnih voda u postupku izgradnje i rada mobilnog postrojenja za proizvodnju betona.
Investiciono-tehnička dokumentacija treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: broj 31/15, 55/19, 41/20 i 63/22) koja su bitna za konkretan slučaj, a naročito:
 - Na osnovu proračuna količina vode, potrebnih za nesmetan rad predmetnog objekta (potrebne količine sanitarne vode, potrebne količine vode za tehnološke potrebe, vode za pranje opreme, mehanizacije i sl.), obraditi tehničko rješenje snabijevanja vodom, monitoringa količina zahvaćene vode i dovodenja vode do objekta, sa svim potrebnim grafičkim prilogima i tehničkim opisom.
 - Dati rješenje prikupljanja i odvodnje atmosferskih voda sa krovova objekta, tehnoloških otpadnih voda od pranja mehanizacije, atmosferskih voda sa platoa, saobraćajnih, radnih i manipulativnih površina koje mogu biti onečišćene suspendovanim i drugim materijama, sanitarno-fekalnih otpadnih voda, te način prečišćavanja i disponiranja istih.
 - Predvidjeti ugradnju okna za monitoring prije ispusta prečišćenih voda u recipijent.
 - Dati osnovne podatke o recipijentu, sa detaljem ispusta prečišćenih voda u isti. Lokalizet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
 - Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo ukoliko se prethodno ne izvrše potrebni hidrogeološki istražni radovi te obraditi i potvrditi ispunjenje uslova pod kojim je isto dozvoljeno.
 - Projektom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju objekata u odnosu na otvorene vodotoke, izvorišta vode za piće, kao i sagledati mogućnost nastajanja neželjenih uticaja na kvalitet površinskih i podzemnih voda.
 - Projektom dokumentacijom sagledati sve moguće neželjene uticaje kako na planirani objekat, tako planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.

- 2.2. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 2.3. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
3. Ovu prethodnu vodnu saglasnost će Investitor koristiti u postupku pribavljanja okolinske dozvole odnosno urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima.
4. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
7. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „EURO-ASFALT“ d.o.o., Sarajevo dana 19.07.2023. godine, podnio je zahtjev za izdavanje prethodne vodne saglasnosti za ispuštanje tehnoloških otpadnih voda sa lokacije mobilnog postrojenja za proizvodnju betona, koja se planira graditi na zemljištu označenom kao k.č. broj: 447/1, 447/3, 447/6, 447/7, 448/3, 448/4, 448/5, 448/6, 449/2, 449/3, 449/5, 449/10, 452/1 i 1116/6 K.O. Novo Selo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelni izvor iz sudskog registra broj: 065-0-RegZ-23-006328 od 19.06.20223. izdatog od Općinskog suda u Sarajevu;
- Ovjerena kopija Uvjerenja o poreznoj registraciji izdatog od Porezne uprave-Kantonalni porezni ured Sarajevo od 09.03.2007.godina,
- Dokaz o uplaćenju upravnoj pristojbi,
- Ovjerena kopija katastarskog plana, razmjera 1:2500, broj plana: 7, UR broj: 06-26-10-4418/2023-1 od 18.07.2023. godine izdato od Službe za katastar, urbanizam i imovinsko-pravne poslove, općina Tešanj;
- Ovjerena kopija zemljišnoknjižnog izvotka, zk. uložak broj: 1286 broj: 039-0-NAR-23-002991, od 19.07.2023. godine izdat od Općinskog suda u Tešnju;
- Ovjerena kopija zemljišnoknjižnog izvotka, zk. uložak broj: 849 broj: 039-0-NAR-23-002990, od 19.07.2023. godine izdat od Općinskog suda u Tešnju;
- Ovjerena kopija zemljišnoknjižnog izvotka, zk. uložak broj: 851 broj: 039-0-NAR-23-003025, od 19.07.2023. godine izdat od Općinskog suda u Tešnju;
- Ovjerena kopija zemljišnoknjižnog izvotka, zk. uložak broj: 846 broj: 039-0-NAR-23-003026, od 19.07.2023. godine izdat od Općinskog suda u Tešnju;
- Ovjerena kopija zemljišnoknjižnog izvotka, zk. uložak broj: 512 broj: 039-0-NAR-23-003027, od 19.07.2023. godine izdat od Općinskog suda u Tešnju;
- Ovjerena kopija zemljišnoknjižnog izvotka, zk. uložak broj: 511 broj: 039-0-NAR-23-003028, od 19.07.2023. godine izdat od Općinskog suda u Tešnju;
- Mišljenje broj: 06-21-4-1959/23 od 07.11.2023. godina izdato od Službe za katastar, urbanizam i imovinsko-pravne poslove, općina Tešanj;
- Kopija Odgovora broj: 05/2-19-5-475/23JM od 01.08.2023. godina izdat od Federalno ministarstvo okoliša i turizma;

- Studija za izdavanje prethodne vodne saglasnosti za ispuštanje tehnoloških otpadnih voda iz objekta za proizvodnju betona na lokaciji k.o. Novo Selo u općini Tešanj, broj: 147/23, Juli 2023. godina, urađena od „Saraj inženjering“ d.o.o., Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i čuvanja vodnih akata dopisom broj: UP-1/21-1-40-296-2/23 od 04.08.2023. godine u kojem je zatraženo od podnosioca zahtjeva da isti upotpuni u roku od 20 (dvadeset) dana od dana urednog prijema dostavljene obavijesti. U datom roku Investitor je svojim dopisom broj: EA-SN-200-08/23 dana 09.08.2023. godine dostavio djelimično traženu dokumentaciju i obavjestio Agenciju da nisu u mogućnosti od općine Tešanj dobiti Mišljenje o usklađenosti planirane aktivnosti sa dokumentima prostornog uređenja. Pošto je navedeno Mišljenje potrebno za izdavanje prethodne vodne saglasnosti Agencija je aktom broj: UP-1/21-1-40-296-4/23 od 30.08.2023. godine zatražila izjašnjenje od Službe za katastar, urbanizam i imovinsko-pravne poslove, Općina Tešanj u vezi sa predmetnim zahtjevom. Nakon urgencije broj: UP-1/21-1-40-296-5/23 od 23.10.2023. godine Služba za katastar, urbanizam i imovinsko-pravne poslove, Općina Tešanj dala je Mišljenje broj: 06-21-4-1959/23 dana 07.11.2023. godine.

U skladu sa članom 124. stav (1) Zakona o vodama o zahtjevu je dana 14.11.2023. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 16.11.2023. godine. U datom roku nije bilo pisanih izjašnjenja o predloženim aktivnostima iz zahtjeva. Na osnovu objave, oglašavanja u dnevnom listu „Oslobođenje“ investitor je na osnovu Zaključka o visini i roku za plaćanje posebnih troškova broj: UP-1/21-1-40-296-11/23 od 27.11.2023. godine uplatio račun broj: 23-3600-000137 dostavljen od O Media d.o.o. Sarajevo.

Na osnovu uvida u dostavljenu dokumentaciju utvrđeno je sljedeće:

- Objekt mobilne betonare će se locirati u mjestu Novo Selo, općina Tešanj na parcelama označenom kao k.č. broj: 447/1, 447/3, 447/6, 447/7, 448/3, 448/4, 448/5, 448/6, 449/2, 449/3, 449/5, 449/10, 452/1 i 1116/6 K.O. Novo Selo, općina Tešanj.
- Predmetna betonara potrebna je za izgradnju koridora Vc na dionici Putnikovo brdo 2- Medakovo, općina Tešanj.
- Aktivnost i rad mobilne betonare opisana je u Studiji za izdavanje prethodne vodne saglasnosti za ispuštanje tehnoloških otpadnih voda iz objekta za proizvodnju betona na lokaciji k.o. Novo Selo u općini Tešanj, broj: 147/23, Juli 2023. godina, urađena od „Saraj inženjering“ d.o.o., Sarajevo.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Remić DŽ., dipl.iur.

Po ovlaštenju

Rukovodilac sektora za izdavanje vodnih akata



Hariš Ališehović
Hariš Ališehović, dipl.inž.grad.

Dostaviti:

- „EURO_ASFALT“ d.o.o. (PRILOG: 1x Studija)
ul. Rajlovac bb, Sarajevo
- AVP, ISV – Vodna knjiga
- Sektor 40, arhiva
- Oglasna ploča, AVP Sava